



## B mee lɪslaangã zeng raad a nu zugu

Yii a ‘Abdullaah [bn ‘Umar nengẽ, (Wënd yard be a yĩnga), a yeelame: Wënd Tën-tuumã, (Wënd puusg la A tɪlgr be a yĩnga) yeelame: «B mee lɪslaangã zeng raad a nu zugu, yaa kõi sɪda tɪ soab ka be sën tũud n tɪlg tɪ pa Wënd ye, a Muhammad me yaa Wënd Tën-tuumã, la Puusgã yãnesgo, la Zak kũuni, la Roogã kaagre, la Ramadaanã no-loeere».

[Naşun Şahıhın (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tɪlgr be a yĩnga) wõnesa lɪslaangã ne meoongo sën me n maneg ne a zeng-raad a nu wã, tɪ yaa bãmb n tuk-a; tɪ lɪslaangã yeɪ sën kellã fãa, yaa sën na n pids n lok meoong-kãngã, La zeng raad-kãensã rëenem: yaa sahd a yiibã; tɪ soab sën na n tũ n tɪlg ka be rëndã Wëndẽ, la a Muhammad me yaa Wënd Tën-tuumã, bãmbã yaa zeng raog a yembre, b yiibã ka welgd n bas taab ye; yamb yeta b yiibã n reeg a zugu ne Wënd yemblemã la Wënd sën sõmb ne tũudmã, A Yembr Tãa, pa zëng sën ka Yẽ ye, la a tum ne b yiibã sën ratã, la a kõi sɪd ne a Muhammad tën-tumdemã, (Wënd puusg la A tɪlgr be a yĩnga). Zeng raog a yiibã: yaa Puusgã yalsgo, yẽ me la Puusg a nu wã sën yaa tɪlae wã, yung la wĩndga, Fagiri, Zafare, Laasare, Magrib la Sãanfo, ne b sart-rãmbã la b zeng-raad nins sën yaa tɪlae wã. Zeng raog a tãab soaba: yaa Zakã yãkr sën yaa tɪlae wã, la yẽ yaa tũudum ne arzeka, lidg fãa sën tã alkadr b sën yãk toaaga, sãri wã pugẽ tɪ b miẽ, tɪ b yãkd n kõt neb nins sën sõmbã ne-a wã. Zeng-raog a naas soaba: yaa hagiimdu, la yẽ yaa togl Makã, n tug n maan tũudum tuuma, Wënd tũudum yĩnga, (A Naam yɪ wagell n zẽke). Zeng raog a nu soaba: yaa Ramadaanã no-loeere, yẽ me yaa: yõk-m-meng n yi ruho, la yũubu, la zëng sën ka b yiibã sën yaa yeɪ nins sën kaood noorã, n lagem ne Anniy rɪkre tɪ yaa Wënd tũudum, sën na n sung Fagir pukri n tug n tãag wĩndgã luuse.

<https://sunnah.global/hadeeth/mos/show/65000>

